

聖制

萬物必本乎天六藝必衷諸聖凡以爲百代文章之祖諸家著述之宗也况夫

聖□洋洋嘉言孔彰大哉之言悉本一哉之心者乎則夫皇極之敷言是彝是訓所以一天下之趨而寡臣民之過者可先爲敬述也已

世祖章皇帝登極恩詔 順治元年

皇帝詔曰我國家受

天眷佑肇造東土

綏甯縣志

卷之一

聖制

烈祖邁圖鴻緒

皇考彌廓前猷遂舉舊邦誕膺

新命迨朕嗣服雖在冲齡諦念紹庭永綏厥位頃緣賊氣洊熾極禍明朝是用託重親賢救民塗炭乃方馳金鼓旋奏澄清旣解倒懸非富天下而王公列辟文武羣臣暨軍民耆老合辭勸進懇切再三乃於今年十月初一日祇告

天地

宗廟

社稷

卽皇帝位仍建有天下之號曰大清定鼎燕京紀元
順治緬維峻命不易創業尤艱况當改革之初更屬
變通之會爰乃酌今準古揆天時人事之宜庶幾吏
習民安彰

祖功

宗德之大所有合行條例臚列於左

聖祖仁皇帝登極恩詔 順治十八年

奉

綏甯縣志

卷之一

聖制

二

天承運

皇帝詔曰惟我國家受

天眷命

祖功

宗德肇造丕基我

皇考大行皇帝盛德至仁英資大度纘承厯數統一寰區恩
澤洽於多方政教臻於上理方期邦國永慶雍熙不
幸奄棄臣民遽升

龍馭顧以大寶屬於藐躬朕煢煢在疚本不忍聞而諸王貝

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省
一生員不可干求官長交結勢要希圖進身若果心善德全上天知之必加以福
一生員當愛身忍氣凡有司官衙門不許輕入卽有切己之事止許家人代告不許干與他人詞訟他人亦不許牽連生員作証

綏甯縣志

卷之一

聖制

三

明從容再問毋妄行辯難爲師者亦當盡心教訓毋致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違制者聽提調官治罪

聖祖仁皇帝登極恩詔

順治十八年頒

奉

天承運

皇帝詔曰惟我國家受

天眷命

祖功

宗德肇造丕基我

皇考大行皇帝盛德至仁英資大度纘承歷數統一寰區恩

澤洽於多方政教臻於上理方期邦國永慶雍熙不

幸奄棄臣民遽升

龍馭顧以大寶屬於藐躬朕瑩瑩在疚本不忍聞而諸王貝

勒大臣文武官員人等僉謂神器既已攸歸天位不

綏甯縣志

卷之一

聖制

四

宜久曠堅請再三朕是以俯徇輿志勉抑哀衷於是

月初九日祇告

天地

宗廟

社稷卽皇帝位仰惟

上天眷佑之篤

祖宗付託之隆涼德冲齡膺茲重寄敬圖覲光揚烈用紹無

疆之休其以明年爲康熙元年與天下更始式衍舊

恩聿宏新化所有合行事宜開列於後

特諭蠲免湖南地丁雜稅康熙三十八年

上諭戶部朕君臨天下撫馭兆人無日不以休養生息爲念嘉興元元共圖豐樂蠲租賜復時切於懷故從前於直隸各省權其緩急先後頻渙恩施今海宇昇平四方無事欲普天率土咸登阜饒惟湖南地方素稱魚米之鄉比來雖年穀順成而民間猶未盡充裕是用格外加恩以綏黎庶所有康熙三十九年湖南通省地丁雜稅等項錢糧著一概蠲免爾部移文該督撫令遍飭所屬實心奉行家喻戶曉務俾深山窮谷均

霑朝廷德惠以副朕愛民如子至意倘或借端徵派澤不下流事覺定行從重治罪爾部卽遵諭行特諭

御製訓飭士子文康熙四十一年頒

國家建立學校原以興行教化作育人材典至渥也朕臨御以來隆師重儒加意庠序近復慎簡學使釐剔弊端務期風教修明賢才蔚起庶幾棫樸作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加訓飭爾諸生其敬聽之從來學者先立品行次及文學學術事功原委有序爾諸生幼聞庭訓長列宮牆朝夕誦讀甯無講究必也躬行實

踐砥礪廉隅敦孝弟以事親秉忠貞以立志窮經考義勿襍荒誕之談取友親師悉化驕盈之氣文章歸於醇雅勿事浮華軌度式於規繩最防蕩佚子衿佻達自昔所譏苟行止有虧雖讀書何益若夫宅心弗淑行已多愆或蜚語流言脅制官長或隱糧包訟出入公門或唆撥奸猾欺凌孤弱或招呼朋類結社邀盟乃如之人名教不容鄉黨弗齒縱倖逃褫扑濫竊章縫返之於衷能無愧乎況夫鄉會科名乃掄才大典關係尤鉅士子苟有真才實學何患困不逢年乃

標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛憾且夫士子出身之始尤貴以正若茲厥初拜獻便已作姦犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓茲訓言頒到爾等務各體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志甯俟外求

綏甯縣志

卷之一

聖制

七

哉若乃視爲具文玩愒弗儆毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者並宜傳集諸生多方董勸以副朕懷否則職業弗修咎亦難逭勿謂朕言之不預也爾多士尚敬聽之哉

聖祖仁皇帝上諭十六條

敦孝弟以重人倫

篤宗族以昭雍睦

和鄉黨以息爭訟

重農桑以足衣食

尙節儉以惜財用

隆學校以端士習

黜異端以崇正學

講法律以儆愚頑

明禮讓以厚風俗

務本業以定民志

訓子弟以禁非爲

息誣告以全良善

戒窩逃以免株連

完錢糧以省催科

聯保甲以弭盜賊

解仇忿以重身命

諭巡撫趙申喬

康熙四十二年

湖南地方介在邊遠之境聞向來官吏積習相仍無
藝私征種種不一計每歲科派有較正供額賦增至
數倍者有司征收錢糧加取火耗又視別省爲獨重
百姓窮蹙不支致多流離轉徙非將宿弊逐一剔除
無以砥礪官方大甦民困除從前已往諸事姑免察
究外爾到地方嚴飭大小屬員痛改前非洗心奉職
力減加耗盡革私征務使流移者復返鄉閭守業者
獲安隴畝庶副朕軫念遠省民生至意如仍有藐法

綏甯縣志

卷之一

聖制

九

不尊重爲民害者卽據實糾叅從重治罪決不輕宥
特諭

世宗憲皇帝登極恩詔

康熙六十一年

奉

天承運

皇帝詔曰惟我國家受

天綏佑

聖祖

神宗

世祖皇帝統一疆隅我

皇考大行皇帝臨御六十一年德茂功高文經武緯海宇甯

綏甯縣志

卷之一

聖制

十

謐厯數悠長不謂謝棄臣民遽升

龍馭親授神器屬於藐躬朕

皇考大行皇帝

德妃之子昔皇二子弱齡建立深爲

聖慈鍾愛寢處時依恩勤倍篤不幸中年神志昏憤病類瘋

狂

皇考念宗社重任付託惟艱不得已再行廢斥待至十有餘

年沉疾如故痊可無期是以

皇考升遐之日詔朕纘承大統朕之昆弟子姪甚多惟思一

體相關敦睦罔替共享昇平之福永圖磐石之安孔子曰三年無改於父之道我

皇考臨御以來良法美政萬世昭垂朕當永遵成憲不敢少
有更張何止三年無改至於

皇考知人善任至明至當內外諸大臣朕方極資翼贊以期
始終保全務期竭盡公忠恪守廉節俾朕得以加恩
故舊克成孝思倘或不守官箴自干國紀既負

皇考簡拔委任之恩又負朕篤愛大臣之誼部院屬吏直省
有司亦宜實心任事潔己奉公不得推委上官自曠

綏甯縣志

卷之一

聖制

十一

厥職天下百姓受

皇考恩澤日久蠲賑頻施勸懲備至間有愚氓干犯律令
皇考每遇讞決必加詳審爰書累牘披閱靡遺少有可生之
路立施法外之仁凡我百姓各宜孝親敬長畏罪懷
刑以副朕仰法

皇考如天好生之意茲因諸王貝勒大臣文武官員人等僉
謂天位不可久虛

宗社允宜早主再三陳請朕勉狗輿情暫抑悲痛於是月二
十日祇告

天地

宗廟

社稷卽皇帝位以明年爲雍正元年仰惟

先志之宜承深望

皇圖之永固遙昭新化期衍舊恩於戲追慕

前徽繼述弗忘於夙夜廣推

聖澤恩膏願被於寰區凡爾親賢文武共矢蓋誠各輸心膂

用昭無疆之業永垂有道之庥佈告天下咸使聞知

諭湖北湖南分闈考試士子取中定額

雍正元年

綏甯縣志

卷之一

聖制

十二

上諭禮部湖南士子赴湖北鄉試必經由洞庭湖水浩汗無
涯波濤不測六七月間風浪尤險間有覆溺之患朕
心深爲惻然或致士子畏避險遠裹足不前又非朕
廣育人材之意今欲於湖南地方建立試院每科另
簡考官俾士子就近八場永無阻隔之虞共遂觀光
之願明年二月爲鄉試之期爾部可卽行文湖南巡
撫若能於二月之前預備場屋則於明春卽分南北
兩闈考試倘爲期已迫預備不及則於下科舉行至
於湖廣通省取中原有定額今既分兩闈其取中之

數應如何分別湖南湖北巡撫公議着湖廣總督從公酌定具奏特諭

諭直省督撫等官勸課農桑留心蓄牧

雍正二年

上諭朕惟撫養元元之道足用爲先朕自臨御以來無刻不厯念民依重農桑務本業已三令五申矣但我國家休養生息數十年戶口日繁而土田止有此數非率天下農民竭力畊耘兼收倍穫欲家室盈甯必不可得周官所載巡稼之官不一而足又有保介田畷日在田間皆爲課農設也今課農雖無專官然自督撫

以下孰不兼此任也其各督率有司悉心相勸並不時咨訪疾苦有絲毫妨於農業者必爲除去仍於每鄉中擇一二老農之勤勞作苦者優其獎賞以示鼓勵如此則農民知勸而惰者可化爲勤矣再舍傍田畔以及荒山不可畊種之處度量土宜種植樹木桑柘可以飼蠶棗栗可以佐食桐栢可以資用卽榛楛雜木亦足以供炊爨其令有司督率指畫課令種植仍嚴禁非時之斧斤牛羊之踐踏奸徒之盜竊其爲民利不小至孳養牲畜如北方之羊南方之彘牧養如

法乳字以時於生計不無裨益揔之小民至愚經營衣食非不迫切而於目前自然之利反多忽畧所賴親民之官委曲周詳多方勸導庶使踴躍爭先人力無遺而地利始盡不惟民生可厚風俗亦可還淳爾督撫各官體朕惓惓愛民之意實心奉行倘視爲具文苟且塗飾或反以擾民則尤其不可也特諭

諭學政三年保舉

雍正四年

諭國家設學校以儲養人才鄉會廷試拔其尤者而用之卽古選士造士之遺意也但士子作文有一日

綏甯縣志

卷之一

聖制

十四

之長短縱使主司公明搜羅豈無遺佚况去取惟憑文藝其人品之高下才能之優絀無由得知每有出辟拔萃之才屢試不售卽或晚得一第而年力衰邁不堪爲國家任使朕思各省學政奉命課士黜劣舉優係其專責嗣後學政三年任滿將生員中實在人品端方有猷有爲有守之士大省舉四五人小省二人送部引見朕親加考試酌量擢用現在報滿各學政卽遵照薦舉其到任未久者如有所知亦卽舉出夫一省而舉數士不可謂無人學政巡歷各府三年

之久日與士子相親考文察行不得謂不知但能虛公衡鑑所舉必得其人且風聲所樹凡讀書士子必皆鼓舞振與力學敦行求爲有用之儒於士習人材大有裨益該學政其各實心奉行毋得苟且塞責如有徇私冒濫等弊必嚴加治罪

雍正四年九月二十九日

上諭爲士者乃四民之首一方之望凡屬編氓皆尊之奉之以讀聖賢之書列膠庠之選其所言所行俱可以爲鄉人法則也故必敦品勵學謹言慎行不愧端人正

士然後以聖賢詩書之道開示愚民則民必聽從其言服習其教相率而歸於謹厚或小民偶有不善之事卽懷愧耻之心相戒勿令某人知之如古人之往事則民風何患不淳世道何患不復古耶朕觀今日之士雖不乏閉戶讀書立品之輩而蕩檢踰閑不顧名節者亦復不少或出入官署包攬詞訟或武斷鄉曲欺壓平民或違抗錢糧藐視國法或代民納課私潤身家種種卑污下賤之事難以悉數彼爲民者見士子誦讀聖賢之書而行止尙且如此則必薄待讀

書之人而且輕視聖賢之書矣士習不端民風何由而正其間關係極爲重大朕自卽位以來加恩學校培養人才所以教育士子者無所不至宜乎天下之士皆鼓舞奮興爭自濯磨盡去其佻達之習也而內外諸臣條奏中臚列諸生之劣蹟請行嚴懲者甚多朕思轉移化導之法當先端其本原教官者多士之儀型也學臣者教官之表率也教官多屬中材又或年齒衰邁貪位竊祿與士子爲朋儔視考課爲故套而學臣又但以衡文爲事任教官之因循怠惰苟且

塞責漫不加察所以倡率之本不立無恠乎士習之不端而風俗之未淳也朕孜孜圖治欲四海之大萬民之衆向風而慕義革薄而從忠故特簡督學之臣慎重教官之職欲使自上而下端本澄源以收實效也凡爲學臣者務須持正秉公宣揚風化教官之稱職者卽加荐拔溺職者卽行叅革爲教官者訓誨士子悉秉誠心如父兄之督課子弟至於分別優劣則至公至當不涉偏私如此各盡其道則士子人人崇尚品詣砥礪廉隅且不但自淑其身而羣黎百姓日

聞善言日覩善行以生其感發之念風俗之丕變庶
幾其可望也特諭

綏甯縣志

卷之一

聖制

十七

諭六年選拔一次 雍正五年

諭直省拔貢舊例十二年題請舉行一次後因各省學政不能秉公選取國子監未便照例請行於雍正元年特行一次朕思各州縣每年歲貢較其食廩淺深挨次出貢內多年力衰邁之人欲得人材必須選拔著令各省學臣於科考時照例府學拔取二名州縣學拔取一名甯缺勿濫務取學問優通品行端方才猷可用之人令其來京朕將親行考驗令入國子監肄業如有學問荒陋人品不端才具庸劣者將該

學政嚴加議處嗣後六年選拔一次國子監屆期題請候旨

諭地方有司平日當撫綏百姓毋使輕棄故鄉

雍正六年

上諭上年聞湖廣廣東江西等省之民因本地歉收米貴相率同遷移四川者不下數十萬已令四川督撫設法安插毋使失所但思上年江西收成頗好卽湖廣廣東亦非歉歲不過近水之地畧被淹損何至居民輕去其鄉者如此之衆也因時時留心體察今據各處陸續奏聞大約因川省曠濶又見米多價賤而無知之民旣懷趨利之見又有傳說者謂川省之米三錢可買一石肉價則一錢可買七觔此等之言最易動

愚賤之聽又有一種包攬棍徒極言川省易於度日一去入籍便可富饒每戶得銀包送愚民被其煽惑不獨貧者墮其術中卽有業者亦鬻產以圖富足其情弊大抵如此獨不思川省食物平賤之故蓋因地曠人稀食用者少是以如此若遠近之人雲集一省則食之者多欲如從前之賤價豈可得乎况彼此相隔或至千里小民離棄鄉井扶老挈幼跋涉山川安有餘資以供路費中途困阨求救無門不相率爲匪勢將爲溝中之瘠矣此時追悔亦復何及豈非輕舉

妄動者自貽之累平草野識見庸愚必須訓示爲地
方有司者當撫綏之於平日而勸教之於臨時開其
愚蒙恤其窮困念念如保赤子時勤訓導使百姓知
故土之可戀轉徙之非□則愚民之不悟者亦少
矣且各省皆有可墾之田土卽如廣東高雷廉三府
儘有荒地可以耕鑿而所以任其廢棄者聞其故有
二一則民俗好爲爭競也當其未墾之時則置之不
問及至旣墾之後則羣起相爭是以將可種之壤拋
爲曠土甚爲可惜一則墾田必須工本而寒苦之民

不能措辦以致委諸草莽爲有司者當如何經其疆
界以息爭端助其籽種以資工作寬其陞科之年優
其上農之賞則百姓斷無有不踴躍鼓舞趨事赴功
者矣凡地方荒棄田土皆地方官不實心愛養体恤
百姓之所致也朕宵旰勤勞無刻不以小民生計爲
念數年以來所以爲閭閻籌畫者盡朕苦心茲頒諭
旨並非禁百姓之謀食於他方也祇以愚民無知圖
利心切惑於邪說見異而遷遂輕舍故鄉甘受流離
之苦朕心實爲不忍不思在彼在此皆吾赤子若本

籍果逢歉歲難以資生該地方有司自能仰体朕心
即時奏聞朕必沛以恩膏使之得所何必分散他方
以希冀不可必得之利乎著各督撫將此通行曉諭
所屬官民人等咸使聞知特諭

諭士子完餉分三限

雍正七年

上諭士子讀書明理爲庶民坊表若昧於急公奉法之義抗
糧逋賦導民爲非其害在於人心風俗不止虧缺國
課而已是以內外大小臣工爲此條奏者甚多今經
禮部翰林詹事科道等定議士子春夏未完之錢糧

綏甯縣志

卷之一

聖制

二十一

分爲三限初限不完責比家僕二限不完發學撲責
三限不完州縣傳集教官當堂撲責秋冬未完之錢
糧亦分三限初限不完發學撲責二限不完州縣傳
齊教官當堂撲責三限不完詳請褫革嚴行追比等
語朕思責輩之罪雖皆本人自取然一經笞杖則難
洗終身之辱一經褫革則永無上進之階諸生縱不
自惜其身名朕則深爲諸生憫惜之也聞各處催徵
之例不同有責比催糧之差役者有撲責欠糧之本
身者現年錢糧每至十月不完方將糧戶懲責是五

月未曾完半雖在百姓未必便行鞭撲今以此施於士子似覺稍過况生監之中貧富不等富戶故意抗違實法無可貸而貧生未能依限則情尙可原今應如何分別貧富使富者不得藉口以愆期貧者得稍紓其力霑沐朝廷体恤之恩而國賦又不致於拖欠大約各省土俗人情既難齊一而規條期限亦未必盡同著該督撫各就本省情形秉公詳察悉心定議務期寬嚴得當永遠可行倘該督撫內別有所見可以仰副朕矜憐貧寒之士子而又懲戒頑富之劣衿者亦著詳悉陳奏

綏甯縣志

卷之一

聖制

二十二

諭祭典荒缺撥補

雍正十一年

上諭國家祀典最宜慎重至於

廟文

春秋祭儀尤宜備物盡誠以申敬禮聞外省州縣中有因除荒而裁減祭祀公費者朕思銀數若少難於措辦或致祭品簡畧或致派累民間二者均未可定著各省督撫查明所屬若有除荒減費之州縣卽於存公銀內撥補以足原額務令粢盛豐潔以展朕肅將禋祀之誠

諭禁生童罷考

雍正十二年

上諭各省生童徃徃有因與地方有司爭競齟齬而相率罷考者或經教官勸諭或同城武弁排解然後寢息其事此風最爲惡劣士爲四民之首讀書明理尤當祇遵法度恪守憲章化氣質之偏祛囂凌之習況國家之設考試也原以優待士子與以上進之階凡爾生童不知感戴國恩鼓舞奮勉而乃以私心之憤借罷考爲脅制官員之具何市井無賴至於此乎蓋因庸懦之督撫學臣希圖省事草草完結不加嚴懲以致相習成風士氣一驕士品日流於下關係匪淺嗣後如果該地方官有不法凌辱士子等情生童等自應赴該地方上司衙門控告秉公剖斷倘不行控告而邀約罷考者卽將罷考之人停其考試若合邑合學俱罷考亦卽全停考試天下人材衆多何須此浮薄乖張之輩是乃伊等自甘暴棄外於教育生成卽擴棄亦何足惜如此定例庶亦整飭士習之一端著該部妥議通行

高宗純皇帝登極恩詔

雍正十三年

奉

天承運

皇帝詔曰惟我國家受

天眷命

太祖

太宗創垂基緒

世祖統一萬邦

皇祖聖祖仁皇帝享祚久長重熙累洽我

皇考大行皇帝紹承大統御宇十有三年夙夜憂勞勤求郅

綏甯縣志

卷之一

聖制

二十四

治用康乂我億兆臣民盛德豐功炳耀寰宇恩膏洋
溢漸被八紘薄海時雍中外蒙福方期永綏隆祚仰
荷鴻禧何意奄棄臣黎遽升

龍馭以

宗廟

社稷之重屬於藐躬朕自冲齡卽蒙

皇祖撫育宮中深恩鍾愛睠矚逾常

皇考顧復恩勲聖慈篤摯瞻依朝夕祇受

誨言牖迪有加

宸衷默眷朕自惟涼德懼弗克勝顧念神器不可久虛勉抑

哀衷欽遵

成命於九月初三日祭告

天地

祖宗

社稷卽皇帝位以明年爲乾隆元年惟

上天篤佑之隆

皇考貽謀之重撫躬乾惕祇紹

前徽丕布新恩聿昭錫類

御製原教

古先聖王敬敷教化君臣父子夫婦昆弟朋友秩然定分不可紊也德禮以道之政刑以齊之日用飲食之間無非教也孝弟忠信禮義廉恥爲教之大綱士農工商各勤其業漸臻於不識不知順帝之則共成熙皞之世此教之效驗也承平日久生齒日繁物價騰貴游手之民不遑謀食加以官多疲玩兵盡怠慵文不能辦事武不能操戈頑鈍無恥名節有虧朕遇斯時大不幸也中外已成痼病自不知教焉能教

人而邪教從此而起矣始以造福逃劫引誘癡愚終歸於滅絕人倫謀反大逆因邪教聚不逞之徒肆行無忌愍不畏死雖嚴刑峻法視爲泛常奈何風俗頹壞至於此極豈不痛哉蓋由朕乏知人之明而又心存姑息去位復用者指不勝屈以致寡廉鮮恥之徒在任者不肯實心去任者不知畏懼以僞亂真悠悠度日此實朕德之不修教之不正君不正臣亦多偏無怪乎邪教接踵而起皆朕不正羣臣之咎而內外臣工亦各有不能正己之處焉能去邪黜僞乎修己

以治百姓我君臣各思奮勉或可挽回汙俗稍蓋前愆於萬一耳奸民倡爲邪說煽惑愚民其經卷鄙俚不通俗陋已極不但諸子百家難相比擬卽佛經道錄亦去此遠甚其年號皆前明之時竟係彼時亂民所造潛藏窮鄉僻壤未能搜出焚燬貽害至今日也去邪教以遏亂焚邪經以滌源是在良有司正己率屬誠心化導使民知正教之益邪教之害漸歸於倫常禮義矣邪教惑人惟一利字愚民見利忘義貪利忘害徇利亂常趨利迷心至於罪大惡極雖死不悟

皆圖利耳誠能實心治民先養後教庶民具有良心斷無不改悔之理是在吾君臣昌明正教勤政愛民心誠求之其庶幾乎

宣宗成皇帝登極恩詔

嘉慶二十五年頒

奉

天承運

皇帝詔曰我大清薦承

天眷粵自

太祖

太宗肇造洪基

世祖統一區夏

聖祖

綏甯縣志

卷之一

聖制

二十八

世宗

高宗德盛化神重熙累洽我

皇考

大行皇帝

臨御天下二十五年兢兢業業宵旰不遑勤求上理政治休

明朝廷祇肅仁心仁政洽於寰宇用是中外乂安萬

民蒙福方期景祚延洪永膺多祐詎意

臨幸灤陽遽升

龍馭

聖志先定於

親政之歲卽以神器默屬藐躬自揣薄德深懼弗勝顧念
皇考付託天位不可久虛勉抑哀忱欽遵

成命於八月二十七日祇告

天

地

宗廟

社稷卽皇帝位以明年爲道光元年仰紹

前徽撫衷寅惕發新綸之昭布宜錫類以推恩所有應行事

綏甯縣志

卷之一

聖制

二十九

宜條列於後於戲膺茲繼體用康乂我兆民弼予仔
肩式敬承夫

丕緒諸王公文武大小臣工其各抒忠悃翊贊

鴻猷以綿我國家億萬年無疆之祚布告天下咸使聞知

文宗顯皇帝登極詔 道光三十年

奉

天承運

皇帝詔曰我大清篤承

天眷粵自

太祖

太宗肇建丕基

世祖統一函夏

聖祖

綏甯縣志

卷之一

聖制

三十

世宗

高宗

仁宗德盛化神重熙累洽我

皇考大行皇帝臨御天下三十年宵衣旰食致治勤求熙績

釐工朝廷祇肅

深恩厚澤洽於寰區用是中外乂安羣黎蒙福方期景籙延

洪永膺多祐詎意正月十四日

諭立朕爲皇太子甫經半日

龍馭遽升卽以神器屬於藐躬朕自維薄德深懼弗勝顧念

列聖詒謀

皇考付託天位不可久虛勉抑哀忱恪遵

成命於正月二十六日祇告

天

地

宗廟

社稷卽皇帝位以明年爲咸豐元年仰紹

前徽撫衷寅惕際茲新綸之布用推錫類之恩所有應行事

宜條列於左於戲膺茲繼體用惠錫於垓埏弼予仔

綏甯縣志

卷之一

聖制

三十一

肩式撫綏夫兆庶諸王文武大小臣工其各抒忠悃

翊贊鴻猷以昭我國家億萬年無疆之祜布告天下

咸使聞知

皇上登極恩詔 咸豐十一年頒

奉

天承運

皇帝詔曰我大清仰承

上天眷佑粵自

太祖

太宗肇建鴻業

世祖統一寰區

聖祖

綏甯縣志

卷之一

聖制

三十二

世宗

高宗

仁宗

宣宗重熙累洽中外乂安我

皇考文宗顯皇帝臨御十有一年宵旰憂勤日臻上理盛德

豐功昭垂萬世

深恩厚澤漸被八紘方期撫綏寰海多福永膺詎意

臨幸灤陽舊疾復作元氣日虧竟至彌留不起七月十六日

子刻

諭立朕爲皇太子十七日寅刻

龍馭遽升以神器屬於藐躬朕自維冲齡薄德懼不克勝顧

念

列聖詒謀之要

皇考付託之隆勉抑哀忱膺茲重寄恪遵

成命於十月初九日祇告

天

地

宗廟

綏甯縣志

卷之一

聖制

三十三

社稷卽皇帝位以明年爲同治元年仰紹

前猷彌增寅惕際新綸之丕布衍景運於無疆所有應行事

宜條列於左於戲覲光揚烈敢稍寬繼述之心錫類

推恩期共慰隆平之望諸王文武大小臣工其各矢

忠誠贊襄郅治以垂我國家萬年有道之庥布告天

下咸使聞知